



Kev Qhia Koj Mus Rau Kev Pab Hauv W-2, Kev Pab Nyiaj Ntsuab, & Nyiaj Them Yug Me Nyuam

Your Guide to W-2 Services, Cash Benefits Programs, & Child support

WI BUREAU OF CHILD SUPPORT



Kev Koom Tes thiab Good Cause

Kev tau nyiaj them yug me
nyuam thaum koj tau kev pab
cuam nyiaj ntsuab

Rov muab tsev hais plaub cov
kev txiav txim them nyiaj yug los
saib thaum tau txais kev pab
cuam nyiaj ntsuab

Kev yuav tau nyiaj them yug
thaum koj tau txais kev pab
cuam nyiaj ntsuab yav tas los

Lus teb cov lus nug

Cov niam/txiv uas raug them
nyiaj yug cov lus nug

Xav paub ntau ntxiv lod?

**Qhia ntxiv txog Nyiaj Them Yug
Me Nyuam**

- Kev pab cuam
- Leej txiv raws txoj cai
- Teev nqi them yug
- Them nyiaj yug
- Hais kom tau nyiaj them yug
- Hloov los yog tso kev them
nyiaj yug tseg
- Cov nyiaj them yug uas dhau
lawm
- Kev qhia pab rau cov niam txiv
- Cov cai thiab lub luag hauj lwm
- Nyiaj Them Yug Me Nyuam
thiab BadgerCare +
- Them cov nqi thaum yug tus me
nyuam rov qab

Yog koj tau txais kev pab cuam los ntawm Wisconsin Works (W-2) (xws li Wisconsin Shares los pab them rau kev zov me nyuam) los yog tau txais nyiaj ntsuab los ntawm SSI Caretaker Supplement los yog Kinship Care:

- Koj yuav tau cov kev pab cuam ntawm phab kev saib xyuas txog nyiaj them yug me nyuam.
- Koj yuav tsum muab kev koom tes nrog Child Support (Nyiaj Them Yug Me Nyuam).
- Koj yuav **tsis tau muab** koj cov nyiaj them yug me nyuam uas tsis tau tuaj tso mus rau lub xeev lawm ua ntej koj ua ntaub ntawv thov nyiaj ntsuab. Cov nyiaj ntawd yeej tseem yog koj tug.

Yog koj tau txais kev pab ntawm W-2 los yog
SSI Caretaker Supplement:

- Koj yuav tau ib feem ntawn cov nyiaj them yug me nyuam tuaj. Feem koj tau yuav nce mus txog **75%** pib lub 10 Hlis Ntuj 2010.
- Yuav muab koj cov nyiaj them yug me nyuam rov los xyuas dua peb (3) lub xyoo twg ib zaug.

Yog hais tias koj tau txais kev pab ntawm Kinship Care:

- Tej zaum koj yuav tau qhov nyiaj them yug tshaj ntawm qhov nyiaj ntsuab uas koj tau.
- Yuav muab koj cov nyiaj them yug me nyuam rov los xyuas dua peb (3) lub xyoo twg ib zaug.

Thaum koj tsis tau nyiaj ntsuab los ntawm W-2 qhov kev pab cuam lawm, koj yuav tau **tag nrho** cov nyiaj them yug me nyuam tsis them raws sij hawm yav tas los uas them tuaj. Mus xyuas nyob phab 6 kom paub zoo ntxiv txog “assigned child support.”

Kev Koom Tes thiab Good Cause

Kev toom tes nrog rau lub koom haum saib xyuas txog phab kev txiav nyiaj them yug me nyuam

Kuv yuav muab kev koom tes li cas?

Koj yuav tau:

- Qhia rau lub koom haum saib xyuas txog phab kev txiav nyiaj them yug me nyuam txog tus/cov me nyuam txiv.
- Nco ntsoov mus cuag tus neeg ua hauj lwm rau koj ntawm lub koom haum saib xyuas txog phab kev txiav nyiaj them yug me nyuam.
- Mus koom rooj sib hais txog koj cov nyiaj them yug me nyuam.
- Hais qhia rau tus neeg ua hauj lwm rau koj ntawm W-2, Caretaker Supplement, los yog Kinship Care yog hais tias tus niam/txiv uas raug them nyiaj yug me nyuam them nyiaj ncaj qha tuaj rau koj.
- Nrog koj cov me nyuam mus rau cov sij hawm teem mus tshuaj ntsuam nrhiav leej txiv.
- Them nyiaj yug me nyuam raws li tsev hais plaub tau txiav txim los yog raws li tau teev nyob rau hauv txoj kev npaj them. Thov mus saib “Kev Qhia Txog Koj Cov Nqi Them Yug Me Nyuam Uas Poob Qab Lawm” (hauv internet nyob ntawm dcf.wisconsin.gov los yog ntawm lub koom haum saib xyuas txog phab kev txiav nyiaj them yug me nyuam huav koj zos).
- Koj thiab txhua tus neeg nyob hauv koj tsev neeg uas tau txais kev pab cuam ntawm W-2 yuav tsum muab kev koom tes nrog rau cov kev pab cuam hauv Child Support.
 - Yog muaj ib tug hauv koj tsev neeg uas tau txais kev pab cuam ntawm W-2 es tsis kam koom tes, **koj tsev neeg yuav tsis tau** cov kev pab cuam ntawm W-2 lawm (nyiaj ntsuab, kev pab nrhiav hauj lwm, kev kawm ua hauj lwm, los yog, kev pab zov me nyuam).
 - Koj yuav rov qab tau kev pab cuam hauv W-2 sai li sai tau yog hais tias koj los yog lwm tus hauv koj tsev neeg koom tes nrog rau lub koom haum saib xyuas txog phab kev txiav nyiaj them yug me nyuam. Thov hu rau lub koom haum saib xyuas txog phab kev txiav nyiaj them yug me nyuam kom paub seb koj yuav ua li cas. Yog hais tias ib tug neeg hauv koj tsev neeg raug txiav tawm peb (3) zaug, koj yuav tsis tau txais kev pab cuam ntawm W-2 txog rau lub sij hawm txhua tus neeg hauv koj tsev neeg muab kev koom tes, los yog mus rau ib lub sij hawm mus li rau (6) lub hlis, seb qhov twg yog qhov tom qab.
- Tus neeg ua ntawv thov kev pab cuam ntawm Kinship Care los yog SSI Caretaker yuav tsum muab kev koom tes nrog cov kev pab cuam hauv Child Support.
 - Yog hais tias tus neeg ua ntawv thov kev pab cuam tsis muab koom tes, nws yuav tsis tau nyiaj ntsuab ntawm Kinship Care los yog SSI Caretaker Supplement txog thaum nws muab kev koom tes.

Thov Nco Ntsoov: Kev koom tes nrog W-2 (xws li mus koom kev kawm ua hauj lwm los yog mus ua hauj lwm) nws muaj nws. Thov nug koj lub koom haum W-2 txog kev koom tes rau cov kev pab cuam ntawm W-2.

Piav ntxiv txog Cooperation thiab Good Cause

Yuav ua li cas yog lawv hais tias kuv tsis koom tes, tab sis kuv ntseeg tau tias kuv yeej koom tes?

Yog hais tias koj tsis pom zoo raws li Child Support qhov kev txiav txim hais tias koj tsis koom tes, koj yeej hais tau kom lub koom haum saib xyuas txog pab kev them nyiaj yug me nyuam muab rov muab los hais dua. Lub koom haum saib xyuas txog phab kev txiav nyiaj them yug me nyuam yuav teem caij nrog rau tus “fact finder” los mus xyuas txog qhov teeb meem no. Koj yeej coj tau ib tug neeg sawv cev rau koj (tus phoom ywg, tus txheeb ze, kws lij choj, thiab lwm tus neeg) tuaj rau lub rooj sib hais no. Yog hais tias koj mus koom tsis tau lub rooj sib hais no, nug seb koj puas koom tau nyob rau hauv xov tooj. Cov neeg ua hauj lwm nrhiav qhov tseeb (fact finder) yuav xa ntawv tuaj qhia txog qhov lawv tshawb pom. Yog hais tias cov neeg ua hauj lwm nrhiav qhov tseeb pom hais tias koj yeej tsis koom tes, yuav muaj ib daim ntawv xa tuaj qhia rau koj seb koj yuav ua li cas thiaj yuav mus hais tau lawv txoj kev txiav txim ntawm qhov lawv tshawb pom.

Good Cause

Yog hais tias kuv yeej muaj cai txaus es kuv thiaj tsis muab kev koom tes nrog rau phab kev txiav nyiaj them yug me nyuam ne?

Yog koj ntseeg hais tias kev koom tes nrog rau lub koom haum saib xyuas txog phab kev txiav nyiaj them yug me nyuam yuav tsis zoo rau koj los yog koj cov me nyuam, nrog koj lub koom haum W-2, Caretaker Supplement, los yog tus ua hauj lwm rau Kinship Care tham, thiab ua daim ntawv Good Cause claim. Koom haum W-2, Caretaker Supplement, los yog Kinship Care yuav txiav txim seb qhov koj hais hauv daim ntawv Good Cause puas muaj tseeb.

Good Cause Yog Dab Tsi?

Muaj Good Cause tshwm sim thaum:

- Muab kev koom tes nrog rau lub koom haum saib xyuas txog phab kev txiav nyiaj them yug me nyuam yuav muaj kev phem raug rau koj los yog koj tus me nyuam cev nqaij daim tawv los yog kev puas siab puas ntsws, *los yog*
- Koj tus me nyuam xeeb los ntawm ib tug neeg txheeb ze koj deev koj los yog raug quab yuam, *los yog*
- Ua ntaub ntawv hauv tsev hais plaub muab tus me nyuam mus rau lwm tus neeg coj mus tus lawm, *los yog*
- Koj tau txais kev pab cuam ntawm ib lub koom haum mus li peb (3) lub hlis los yog tsawg dua txog ntawm kev txiav txim seb koj txoj cai ua niam ua txiv puas yuav tu.
- Koj yuav tau muab ntaub ntawv pov thawj los txhawb rau koj qhov Good Cause claim. Yog hais tias koj muab tsis tau pov thawj, koj lub koom haum W-2, Caretaker Supplement, los yog tus ua hauj lwm hauv Kinship Care yuav pab tau koj.
- Lub koom haum W-2, Caretaker Supplement, los yog Kinship Care yuav xyuas koj cov pov thawj, thiab txiav txim seb koj yuav koom tes nrog rau lub koom haum saib xyuas txog phab kev txiav nyiaj them yug me nyuam los tsis koom.

Piav ntxiv txog Good Cause

Yuav ua li cas yog kuv tsis pom zoo rau lawv txoj kev txiav txim rau kuv qhov Good Cause?

Yog koj tsis pom zoo rau qhov kev txiav tim zaum kawg txog ntawm qhov Good Cause, koj yeej hais tau kom koj lub koom haum W-2, Caretaker Supplement, los yog Kinship Care nrhiav neeg tuaj tshawb qhov tseeb.

Cov neeg ua hauj lwm nrhiav qhov tseeb txog Good Cause yuav xa ib tsab ntawv ceeb toom txog cov lawv tshawb pom. Yog cov neeg ua hauj lwm nrhiav qhov tseeb pom hais tias koj tsis muaj Good Cause, tsab ntawv ceeb toom yuav qhia koj seb mus hais kom muab qhov kev txiav txim rov los hais dua li cas.

Kuv txhawj tsam muaj tej yam tshwm sim yog tus niam txiv tod paub kuv nyob qhov twg. Kuv yuav ua li cas?

Yog hais tias muab koj qhov chaw nyob, xov tooj, chaw ua hauj lwm, los yog lwm qhov chaw nyob tso tawm yuav ua rau kom muaj teeb meem rau koj los yog koj cov me nyuam, hais kom tus neeg ua hauj lwm hauv lub koom haum saib xyuas txog phab kev txiav nyiaj them yug me nyuam tsis txhob muab tso tawm.

Kev tau nyiaj them yug me nyuam thaum koj tau kev pab cuam nyiaj ntsuab

Assigned child support (Cov nyiaj them yug me nyuam uas muab tso mus rau lub xeev lawm)

Thaum koj mus thov kev pab cuam nyiaj ntsuab ntawm SSI Caretaker Supplement, Kinship Care, los yog W-2, koj muab koj txoj cai uas tau txais cov nyiaj them yug me nyuam mus pauv kom tau cov kev pab cuam nyiaj ntsuab ntawm lub xeev. Qhov nyiaj them yug uas muab tso mus rau lub xeev lawm yog qhov nyiaj them rau lub sij hawm koj tau txais kev pab cuam nyiaj ntsuab. Tseem Fwv cov cai hais tias cov nyiaj them yug me nyuam yuav muab tau ntau npaum li cas los mus rau tsev neeg uas tau cov kev pab cuam nyiaj ntsuab. Wisconsin yuav muab ib qho ntawm cov nyiaj them yug me nyuam mus them rau koj cov kev pab cuam nyiaj ntsuab. **Nco Ntsoov:** Tag nrho cov nqi uas tsis tau them rau koj ua ntej koj thov kev pab cuam nyiaj ntsuab yeej tseem yog koj tug.

Kinship Care: Cov cai hauv Kinship Care tsis zoo li cov cai hauv W-2 thiab Caretaker Supplement. Thov saib phab 5 kom paub ntxiv txog Kinship Care.

Cov case hais txog W-2 los yog SSI Caretaker Supplement

Yog hais tias koj tau kev pab cuam nyiaj ntsuab los ntawm W-2 los yog SSI Caretaker Supplement, koj yuav tau ib qho nyiaj them yug me nyuam uas tus niam txiv tod them tuaj. Koj yeej tseem tau tag nrho koj cov kev pab cuam nyiaj ntsuab ntawm W-2 thiab Caretaker Supplement.

Koj yuav tau ib feem ntawm cov nyiaj them yug me nyuam yog hais tias tam sim no koj tau kev pab cuam nyiaj ntsuab los ntawm:

- SSI Caretaker Supplement
- W-2 Community Service Job
- W-2 Transitional Placement
- W-2 Custodial Parent of an Infant program, **thiab** koj tau kev pab cuam nyiaj ntsuab yav dhau los (ntawm AFDC, W-2, los yog Caretaker Supplement)

Piav ntxiv txog cov nyiaj them yug me nyuam

Tsis yog tas nrho cov kev pab caum hauv W-2 yuav muab nyiaj ntsuab. Koj yuav tau tag nrho cov nyiaj them yug me nyuam yog hais tias koj:

- Tau txais kev pab caum them zov me nyuam
- Tau W-2 Case Management Services
- Tau Emergency Assistance
- Ua hauj lwm nyob rau hauv W-2 Trial Job
- Nyob rau hauv W-2 Custodial Parent ntawm cov me nyuam mos, **tab sis ib txwm** yeej tsis tau nyiaj ntsuab ntawm W-2 los yog AFDC yav tag los

Qhov no txhais li cas rau koj

Qhov no txhais li cas rau koj yog koj tau kev pab cuam nyiaj ntsuab los ntawm W-2 los yog Caretaker Supplement

- Koj yuav tau **75 feem pua ntawm qhov nyiaj them yug me nyuam uas them tuaj.**
- Koj yuav tau tag **nrho koj cov kev pab cuam nyiaj ntsuab** los ntawm W-2 los yog SSI Caretaker Supplement.

Piv txwv seb koj yuav tau nyiaj pab npaum li cas:

Nyiaj them yug me nyuam	Feem koj tau:
\$40	\$30
\$60	\$45
\$100	\$75

Cov Kinship Care case

Yog hais tias koj nyob hauv Kinship Care, tag nrho cov nyiaj uas them yug tuaj yuav muab xa mus rau lub xeev. Yuav muab qhov Life of Case los xyuas dua rau thaum txhua lub hli kawg. Qhov Life of Case uas muab los xyuas yuav muab tag nrho cov kev them yug piv rau cov nyiaj hauv Kinship Care. Yog hais tias lub sij hawm koj nyob hauv Kinship Care, cov nyiaj them yug tuaj uas tau ntau tshaj cov nyiaj koj tau hauv Kinship Care, yuav muab qhov tshaj ntawd rau koj.

Piv txwv: Koj zwm rau Kinship Care thaum lub 3 Hlis Ntuj.

Lub Hli	Nyiaj them yug me nyuam	Nyiaj Kinship Care	
Lub 3 Hlis Ntuj	\$200	\$226	
Lub 4 Hlis Ntuj	+ \$300	+ \$226	
Lub 4 Hlis Ntuj kawg Life of Case Review	= \$500	= \$452	\$500 - \$452 = \$48

- Thaum lub 3 Hlis kawg, qhov \$200 them tuaj tsawg dua \$226 hauv Kinship Care. Koj yuav tau nyiaj hauv Kinship Care, tab sis tsis tau cov nyiaj them yug me nyuam.
- Thaum lub 4 Hlis kawg, qhov Life of Case review yuav muab tag nrho cov nyiaj hauv lub 3 Hlis **thiab** lub 4 Hlis los sib piv: \$500 yog qhov nyiaj them yug hos \$452 yog cov nyiaj Kinship Care – qhov tshaj yog \$48. Koj yuav tau \$48 nrog rau qhov nyiaj Kinship Care.

Rov muab tsev hais plaub cov kev txiav txim them nyiaj yug los saib thaum tau txais kev pab cuam nyiaj ntsuab

Yog hais tias koj tau txais kev pab cuam nyiaj ntsuab los ntawm W-2, Kinship Care, los yog SSI Caretaker Supplement, yuav muab koj qhov kev them nyiam yug me nyuam los xyuas dua peb (3) xyoos twg ib zaug. Qhov muab rov los xyuas dua ntawd yog saib seb qhov nyiaj them tuaj yug ntawd puas haum raws li tus niam/txiv uas raug them nyiaj yug tuaj qhov nyiaj khwv tau los. Yuav hais kom tus niam thiab tus txiv muab nkawv cov ntaub ntawv khwv tau nyiaj tuaj saib. Tom qab xyuas cov ntaub ntawv tag lawm, yuav xa ib tsab ntawv ceeb toom mus qhia rau tus niam/txiv uas raug them nyiaj yug paub.

Tej zaum qhov muab rov los xyuas dua yuav qhia tau hais tias qhov nyiaj them yug yuav:

- Nce
- Txo
- Nyob li qub.

Qhov koj tau ntawm cov nyiaj them yug me nyuam tseem yuav yog 75 feem puav ntawm cov nyiaj them yug me nyuam twg uas them tuaj.

Yuav pauv ib yam tshiab ntawm kev them nyiaj yug yuav tsum mus hais hauv tsev hais plaub los yog tau kev pom zoo ntawm tsev hais plaub. Koj lub koom haum saib xyuas txog phab kev txiav nyiaj them yug me nyuam yeej pab sau tau daim ntawm pom zoo. Yog hais tias tus niam/txiv uas raug them nyiaj yug sau daim ntawm pom zoo, koj lub koom haum saib xyuas txog phab kev txiav nyiaj them yug me nyuam yuav tsum tso cai rau daim ntawm pom zoo. Txhua tus niam/txiv yeej hais tau kom muab qhov kev txiav txim them nyiaj yug no rov los xyuas dua peb (3) xyoos twg ib zaug. Yog xav paub ntau ntxiv txog qhov kom rov muab los xyuas dua, thov mus saib “Tus Txheej Txheem Txog Kev Pauv thiab Xaus Kev Them Nyiaj Yug Me Nyuam” (hauv internet ntawm dcf.wisconsin.gov los yog ntawm koj lub koom haum saib xyuas txog phab kev txiav nyiaj them yug me nyuam).

Kev yuav tau nyiaj them yug me nyuam yog hais tias koj tau txais nyiaj ntsuab ntawm W-2 yav dhau los

Koj yuav tau **tag nrho koj cov nyiaj them yug ziang no** yog hais tias tam sim no koj tsis tau cov kev pab cuam nyiaj ntsuab.

Koj yuav tau **tag nrho ntawm “cov nyiaj them tsis raws sij hawm yav tas los”** uas them tuaj yog koj tsis tau txais cov nyiaj ntsuab ntxiv lawm thiab. Cov “nyiaj them yug me nyuam tsis them raws sij hawm yav tas los” yog cov nyiaj tshuav nqi, tab sis tsis them thaum koj tseem tau txais W-2 cov nyiaj ntsuab.

Koj yuav tau tag nrho cov nyiaj them yug uas mus cuam tshuam tau ntawm tus niam/txiv uas raug them nyiaj yug cov nyiaj ua se tau hauv tseem fwv los. Cov nyiaj no yog cov nyiaj nws tseem them tsis tau tas. (Qhov nyiaj lub xeev mus cuam tshuam tau los yuav tsum xub them rau lub hli uas tsis tau them.) Cov kev tseg mas tsuas yog cov nqi them rau xeev thiab cov nqi yug me nyuam uas them los ntawm Medicaid thiab BadgerCare Plus cov kev pab cuam. Cov nyiaj mus tos kev muab cov nyiaj se tau los ntawm tsoom fwv teb chaws them cov nqi tshuav no ua ntej.

Piv Txwv tias:

Nyiaj them yug me nyuam	Koj feem (100%):
\$40	\$40
\$60	\$60
\$100	\$100

Lus teb cov lus nug

Kuv tau txais nyiaj ntsuab los ntawm kuv lub koom haum Tribal Temporary Assistance for Needy Families (TANF), tab sis kuv cov ntaub ntawv nyob rau tom lub koom haum hauv lub roog (county agency) lawm. Qho no txhais li cas rau kuv?

Yog koj tau nyiaj ntsuab los ntawm Tribal TANF, koj yeej zwm nyob rau hauv cov cai xws li lwm cov neeg uas tau nyiaj ntsuab nyob rau hauv W-2.

Ua li cas kuv thiaj paub hais tias muab npuam li cas mus rau kev them yug me nyuam los yog them cov nqi yug uas dhau lawm?

Txhua lub hlis uas tau cov nyiaj them yug uas raug xa mus rau lub xeev lawm, koj yuav txais tsab ntawv ceeb toom (Child Support Notice of Collection) lub hlis tom qab ntawd. Daim ntawv ceeb toom yuav qhia koj:

- Txog tas nrho qho nyiaj them yug uas raug xa mus rau lub xeev lawm
- Txog qhov nyiaj uas raug xa mus rau lub xeev uas them tuaj rau koj
- Txog qhov nyiaj uas raug xa mus rau lub xeev uas them rau koj cov nyiaj ntsuab

Koj mus xyuas tau cov nyiaj them rau koj hauv Child Support Online Services (lus As Kiv) ntawm lub website dcf.wisconsin.gov. Cov ntaub ntawv yeej muab kho txhua hmo, tseg hnub Sunday xwb. Koj yuav pom:

- Qhov nyiaj them rau koj
- Qhov nyiaj uas raug xa mus rau lub xeev lawm es muab khaws tseg los them rau koj qhov nyiaj ntsuab

Ob peb xyoos dhau los, kuv ua hauj lwm nyob hauv Trial Job es tau nyiaj pab them zov me nyuam. Kuv puas yuav tau tas nrho cov nyiaj them yug me nyuam?

Tau. Yog hais tias koj tsis tau kev pab cuam nyiaj ntsuab li, koj tsis tau muab koj cov nyiaj them yug me nyuam tso mus rau lub koom haum saib xyuas txog phab kev txiav nyiaj them yug me nyuam. Kev pab nrog them zov me nyuam ntawm Wisconsin Shares thiab W-2 Trial Jobs tsis yog kev pab cuam nyiaj ntsuab hauv W-2. Tsuas yog cov tau nyiaj ntsuab hauv W-2 thiaj tau muab lawv txoj cai tau nyiaj them yug me nyuam xa mus rau phab kev txiav nyiaj them yug me nyuam lawm xwb.

Kuv raug xa mus rau hauv kev txiav nyiaj them yug me nyuam thaum kuv nyob hauv W-2. Kuv yeej tsis tau kev pab cuam nyiaj ntsuab hauv W-2 li. Kuv puas yuav tau them ib tug nqi tes?

Thaum raug xa mus rau ntawm kev pab cuam Child Support, cov niam/txiv nyob hauv W-2 yuav tau tag nrho cov kev pab hauv phab kev txiav nyiaj them yug me nyuam. Thov ntsib koj lub koom haum saib xyuas kev txiav nyiaj them yug me nyuam seb cov nqi them twg yog cov muaj feem rau koj. Tsis muaj nqi tes ua ntaub ntawv thov kev pab cuam them nyiaj yug me nyuam.

Ntau xyoo los lawm, kuv tau AFDC. Nyob rau lub sij hawm ntawd, tag nrho cov nyiaj them yug me nyuam uas tseem tshuav uas them tsis tau tag muab xa mus rau hauv lub xeev lawm. Cov nyiaj ntawd ntau tshaj cov nyiaj ntsuab kuv tau los los ntawm AFDC. Tam sim no tus niam/txiv uas raug them nyiaj yug me nyuam tab tom them cov nyiaj yug me nyuam uas them tis tau tas tuaj. Kuv puas yuav tau ib feem ntawm cov nyiaj ntawd?

Lub xeev yuav tsis khaws cov nyiaj uas ntau tshaj li ntawm cov nyiaj ntsuab uas koj tau ntawm AFDC los. (Qhov no hu ua “them tsi tau rov qab.”) Tshwj xeeb cov nyiaj cuam tshaum tau ntawm kev ua se tau ntawm tseem fwv los, qhov nyiaj tseem them tsis tau tag uas yog koj tug yuav muab them rau koj ua ntej yuav muab xa mus rau lub xeev rau qhov them tsis tau tas. Tej yam pauv uas raug rau cov tsev neeg tau nyiaj ntsuab ntawm W-2 yuav tsis raug rau cov tsev neeg uas tau AFDC.

Cov niam/txiv uas raug THEM NYIAJ YUG cov lus nug

Kuv raug them nyiaj yug me nyuam rau tus me nyuam uas nrog tus niam/txiv tod nyob. Tab sis, kuv muaj ib tug me nyuam nrog lwm tus khub, thiab tus me nyuam ntawd nrog kuv nyob. Puas yuav txiav nyiaj them yug me nyuam ntawm kuv daim tshev hauv W-2? .

Yuav tsis txiav nyiaj them yug me nyuam tawm ntawm cov nyiaj koj tau hauv lub koom haum W-2 – xws li tu me nyuam mos, koom tes rau hauv W-2 Transition, ua hauj lwm rau Community Service Job, los yog them qni zov me nyuam. Cov kev pab cuam no, nrog rau SSI, yuav tsis xam hais tias yog cov nyiaj khwv tau los es yuav txiav los them yug me nyuam.

Tej zaum koj cov nyiaj them yug me nyuam yuav raug txiav tawm ncaj qha ntawm koj daim tshev ua hauj lwm – xws li daim tshev ua hauj lwm ntawm W-2 Trial Job los yog txoj hauv lwm ntawm W-2 Unsubsidized Employment. Cov nyiaj no yuav muab xam rau nyiaj them yug me nyuam.

Ntau xyoo dhau los tus niam/txiv tod tau kev pab hauv AFDC. Kuv cov nyiaj them yug me nyuam yog them rau cov nqi them tsis tau tas nrog cov tab tom them tam sim no. Yog li cas kuv tsev neeg thiaj tsis tau tag nrho cov nyiaj yug uas kuv them?

Tsis zoo li cov kev pab cuam ntawm W-2, tas nrho cov nqi them yug uas tshuav rau AFDC es raug xa mus rau lub xeev lawm yuav tsum muab los mus them rau cov kev pab cuam uas koj tsev neeg tau txais hauv AFDC.

Qhov nyiaj “raug muab rau AFDC” uas koj tshuav es them tsis tau tas yog tas nrho cov nyiaj them yug me nyuam uas yuav tsum them tab sis tsis them thaum koj tus me nyuam tau cov kev pab cuam ntawm AFDC.

Yog tus niam/txiv tod thiab cov me nyuam tau txais AFDC yav dhau los, yuav muab koj cov nyiaj them yug los mus them AFDC rov qab rau lub sij hawm ntawd.

Tab sis, cov nyiaj them tuaj mus rau cov nqi uas tsis tau them ntawd yuav xub muab mus them cov nqi uas tsis tau them rau tsev neeg. Thaum them tas cov nqi tsis them rau tsev neeg lawm, cov nyiaj them tuaj yuav muab mus them cov nqi uas tsis them es raug xa mus rau lub xeev. Tib qho uas ua tsis tau ces tsuas yog cov nyiaj cuam tshuam tau ntawm kev ua se ntawm tseem fww los xwb. Cov nyiaj tau ntawm kev ua se ntawm tseem fww los yog muab mus them rau cov nqi tsis tau them es raug xa mus rau tom lub xeev lawm ua ntej tso. Xav paub ntau ntxiv, thov mus saib hauv “Kev Qhia Txog Koj Cov Nqi Them Yug Me Nyuam Uas Poob Qab Lawm” (hauv internet ntawm dcf.wisconsin.gov los yog ntawm koj lub koom haum saib xyuas txog phab kev txiav nyiaj them yug me nyuam).

Txawm hais tias wb yeej tsis tau sib yuav, kuv yeej muab nyiaj rau tus niam/txiv tod los tu kuv tus me nyuam. Ziag no nws tau kev pab cuam ntawm W-2, lawv txiav nyiaj tawm ntawm kuv daim tshev ua hauj lwm lawm. Yog vim li cas kuv thiaj them tsis tau nyiaj li kuv yeej them yav tag los?

Cov niam txiv uas tau kev pab cuam ntawm W-2 yuav tsum koom tes nrog lawv cov koom haum saib xyuas txob phab kev txiav nyiaj them yug me nyuam. Raws li tej xwm txheej zoo li no, thaum muaj kev txiav txim kom them nyiajyug me nyuam lawm, yuav tsum tau txiav nyiaj them yug me nyuam tawm ntawm daim tshev ua hauj lwm. Koj qhov chaw ua hauj lwm mam xa qhov nyiaj ntawd mus rau Wisconsin Support Collections Trust Fund. Lub Trust Fund mam xa cov nyiaj them yug mus rau tas nrho koj cov rooj plaub koj tau them yug me nyuam raws li cov cai ntawm tseem fww thiab lub xeev. Yog xav paub ntau ntxiv, thov mus saib hauv “Kev Qhia Txog Them Nyiaj Yug Me Nyuam” (hauv internet ntawm dcf.wisconsin.gov los yog ntawm kom lub koom haum saib xyuas txog phab kev txiav nyiaj them yug me nyuam).

Piav ntxiv txog Cov niam/txiv uas raug THEM NYIAJ YUG cov lus nug

Kuv cov me nyuam nyob hauv Kinship Care thiab nrog lawv pog/yawg/naim tais/yawm txiv nyob. Leej twg yuav txais cov nyiaj them yug?

Yog hais tias ziang no los yog yav dhau los koj cov me nyuam nyob hauv Kinship Care los yog nyob rau lwm qhov chaw uas tsis yog hauv tsev, cov nyiaj them yug rau ziang no thiab yav dhau los tej zaum yuav muab mus them cov kev pab cuam rov qab.

Xav paub ntau ntxiv lod?

Xav paub ntau ntxiv txog kev Koom Tes thiab Good Cause, hu mus rau lub koom haum hauv lub nroog uas muaj koj cov ntau ntawv:

- Lub koom haum W-2 hauv koj zos muaj teev nyob hauv phau ntawv teev xov tooj nyob rau ntawm “county government” los yog pab pawg neeg (tribal) lub npe yog hais tias lub koom haum W-2 nyob hauv lub koom haum muab kev pab cuam rau pej xeem neeg los yog social services hauv koj lub nroog. Tas nrho cov koom haum W-2 muaj teev nyob hauv internet ntawm dcf.wisconsin.gov/w2/directories.htm.
- Muaj cov kev pab cuam ntawm SSI Caretaker Supplement nyob hauv lub koom haum muab kev pab cuam rau pej xeem neeg los yog social services hauv koj lub nroog, thiab teev nyob hauv phau ntawv teev xov toom ntawm “county government” los yog pab pawg neeg lub npe los yog hauv internet ntawm dhs.wisconsin.gov/em/imagencies/index.htm.
- Muaj cov kev pab cuam ntawm Kinship Care nyob hauv cov koom haum child welfare, muab kev pab cuam rau pej xeem neeg, los yog social services hauv koj lub nroog, thiab teev nyob hauv phau ntawv teev xov tooj ntawm “county government” los yog pab pawg neeg lub npe thiab hauv internet ntawm <https://dcf.wisconsin.gov/map/kinship>.
- Lub koom hauv saib xyuas txog phab kev txiav nyiaj them yug me nyuam muaj teev nyob hauv phau ntawv teev xov tooj ntawm “county government” los yog pab pawg neeg lub npe thiab hauv internet ntawm dcf.wisconsin.gov.

Yog xav paub ntau ntxiv txog kev txiav nyiaj them yug me nyuam

- Hu mus rau lub koom haum xaib xyuas txog phab kev txiav nyiaj them yug me nyuam hauv koj zos kom paub ntau ntxiv txog koj cov ntau ntawv. Cov koom hauv teev nyob hauv internet ntawm dcf.wisconsin.gov thiab nyob hauv phau ntawv teev xov tooj ntawm “county government” los yog pab pawg neeg lub npe.
- Mus xyuas hauv dcf.wisconsin.gov kom paub ntau ntxiv txog kev txiav nyiaj them yug me nyuam. Cov tsev qiv ntawv feem ntau yeej muaj internet pub dawb rau siv.

Los yog hu rau:

DCF yog ib lub chaw ua haujlwm muab kev pab sibtxig sibluag. Yog koj yog neeg xiam oo khab thiab xav tau cov ntau ntawv no txhais ua lwmyam lus, hu rau (608) 266-9909 or 711 TTY (hu dawb). Yog xav paub txog koj txoj cai hu rau (608) 422-6889 los yog 711 TTY (hu dawb).